

Sie san überoi  
-----

Sie hean uns obb, weil ees kannt ja sei  
Mia san bei 'ner Verbrecher-Organisation dabei  
oa foisch's Wort am Telefon, dann kimmt glei  
schwer bewaffnet, ohne Durchsuchungsbefehl, die Polizei

Vielleicht is von uns ja irgendwer a Terrorist  
sie dad'n di findn, egal wo's du bist  
Oa foischer Verdacht, und du bist schneller ois'd moanst  
spurlos verschwunden, und für immer vermisst

( i sog: Sie nemman uns mid und nachad wea ma verhört, i woas need warum, mia san ja doch koane  
Mörder)

Sie san überoi - - - Du konnst di need verstecka - - - Sie find'n di auf jeden Foi  
Sie san überoi - - - Ob ma meng, oder need, - - - Sie erschaffen die Welt-Ordnung neu  
Sie san überoi - - - Du konnst di need verstecka - - - Sie find'n di (wenns woin) auf jeden Foi  
Sie san überoi ...

Mia wean registriert, mia wean überwacht  
mia reng uns drüber auf, aber de CSU lacht  
mia wean überprüft, und ganz ohne Verdacht  
... um unser aller Privatsphäre gebracht

Sie beobachten uns Tag und Nacht  
De Welt werd von am Spionage-Netz überdacht  
Sie san de neie Stasi und missbrauchen eana Macht...  
... es werd jetz immer a so gmacht

---

Sie brauchadn ja gor need spionier'n  
Sie brauchan bloß dei Handy-Signal lokalisier'n  
oder deinem Navi hint-noch navigier'n  
dann wissn's, wos'd bist, und sie kennan di kontrollier'n

Sie brauchan need vui Geld in eana Arbad investier'n  
weil sowieso olle eana Leb'n im Netz präsentier'n  
wenns irgendwos über di wiss'n woin, dann brauchan sie's bloß...  
...von deiner Facebook-Seit'n oba-kopiern

Sie san überoi - - - Du konnst di need verstecka - - - Sie find'n di auf jeden Foi  
Sie san überoi - - - Ob ma meng, oder need, - - - Sie erschaffen die Welt-Ordnung neu  
Sie san überoi - - - Du konnst di need verstecka - - - Sie find'n di (wenns woin) auf jeden Foi  
Sie san überoi - - - ( ... steh ma auf, wehr ma uns, mia san in der Überzoi...)

Sie san überoi ...